

# 40 ԲԵՌՆԱՏԱՐՆԵՐ ԱՐՑԱԽ ԿԸ ՀԱՍՑՆԵՆ ՇԻՆԱՆԻԻԹ ԵՒ ԿԱԶՄԱԾՆԵՐ

ՍՄԿԿ Կենտկոմի եւ ՍՍՀՄ Նախարարաց Խորհրդի որոշմանը համապատասխան, Հայաստանի Կոմկուսի Կենտկոմը եւ Հայկական ՍՍՀ Նախարարաց Խորհուրդը մշակել են ԼՂԻՄին օգնութիւն ցոյց տալու միջոցառումների ծրագիր, մասնաւորապէս՝ բնակելի տների, ընկերային-մշակութային եւ արդիւնաբերական կենտրոնների, աւտոնոմապարհների շինարարութեան ծաւայման եւ բնակավայրերի կազմի/ֆիկացման գործում:

Հաշուի առնելով ձմռան մօտեմ<sup>ա</sup>լը, որոշում է ընդունուել այս տարի Լեռնային Ղարաբաղում քրթեճային տիպի աւելի քան հարիւր բնակելի տուն կառուցել Սոււկայիթից գաղթածների համար: Այդ խնդրի կատարման նպատակով Նոյեմբերի 7ին կազմուեց 40 ծանր բեռնատար աւտոմեքենաներից բաղկացած մի աւտոշարասիւն, որը նոյն օրը Լեռնային Ղարաբաղ հասցրեց շինարարական տեխնիկա, սարքավորումներ, մեխանիզմներ, շինանիւթեր ու շինարարական կոնստրուկցիաներ:

Նոյեմբերի 9ին ԼՂԻՄ ուղարկուեց նոյնպիսի բեռներով եւս մէկ մեծ աւտոշարասիւն:

«Արթրկտուֆ» միաւորման աշխատաւորային համախմբումի ժողովում միահամուռ որոշում ընդունուեց, աշխատելով երկարացուած ծրագրով եւ հանգստեան ու տօն օրերին, ապահովել լրացուցիչ արտադրանք՝ ԼՂԻՄին օրակայն 4-5 վակոն քար ուղարկելու համար: Նախատեսուած շինութիւնների շինարարութիւնը ժամանակին աւարտելու համար Լեռնային Ղարաբաղի համապատասխան կազմակերպութիւնները կ'ապահովուեն ցեմենտով ու ասսլոշիֆերային արտադրանքով:

Նախատեսուած ծրագրի իրականացման աշխատանքը գտնուում է Հայաստանի Կոմկուսի Կենտկոմի եւ հանրապետութեան կառավարութեան մշտական հսկողութեան ներքոյ:

Արմենիորէս